

LÈ VELÂDZO.

Noté et acc. p. Casimir Meister. (Soleure)

Giocoso.

Chant. *f*

Ly'a-the on plye bi pa-i Tyè nou-thra Gre-vi-re? No vo-

Piano. *f*

-lin a-lâ vui-tyi, Che n'ly'a rin a ri-re. Y n'è pâ po kri-ti-kâ, Rin-tyè

p

Refrain. *rall.*

po no-j-a-mu-jâ. Chin n'è pâ, è lon, è lâ, Chin n'è pâ di gâ-olè.

f *rall.*

1. Ly'a-the on plye bi paï
Tyè nouthra Grevire?
No volin alâ vuityi
Che n'ly'a rin a rire.
Y n'è pâ po kritikâ,
Rintyè po no-j-amujâ.

Refrain — Chin n'è pâ, è lon è lâ,
Chin n'è pâ di gâolè.

2. Ora, chédè vo ke ly'è
Ke no van intindre?
Inkotchè dèjo on molyè,
No lè volin prindre,
Renalyè, katchidè vo!
Din la toua ou din le no. — *Ref.*

3. To-t-ou pi dè Molèjon,
Ly'è l' paï di-j-âno.
Tsanton a totè chajon,
Ou mi dè mé i brâmon.
Ch'vo vinidè a li pachâ,
Ne tyiradè pâ: Y hâ! *Ref.*

4. Ly'è lè filyè d'Epagny,
Ke chon bin galéjè.
Ma i n'âmon travalyi
Tyè avui lou-j-éjè.
Po povi lè kontintâ
Fô ithre di bon dyirâ. *Ref.*

5. To-t-ou dèjo dè Lèvi,
On li tràvè Erbivouè.
L'i a di martchyan dè ví,
Ke bévon pou d'ivouè.
Dzihlya kouète! la charitâ,
Ly'è la vèrtu i Chavoyâ.
6. Ly'è l'vlâdzo dè Morlon,
To pri dè la Charna,
Yô lè dzin li chon vedzè
È prou krouye linvoua.
Ma, Gàodâ lè-j-a bredâ;
N'oujon pâ lèvà le nâ.
7. On dzoua in pachin pè Bro,
Pè chti bi velâdzo,
Ly'è yu ma mia vè l'no,
K'chè lavâvè l'vejâdzo.
Yorche! ly'avi di...
Ache grô tyè di pre blyè.
8. Thèrnya, veri ou lèvin,
Paï dè la dzanthanna.
L'i bévon le brantevin
Ko l'ivouè dè fontanna.
Kan n'in dan prou ingojalâ,
Chè van èthindre chu le prâ.¹⁾
9. Vuèdin ly'a on gran rënon
Din nothra bachère;
Dè li avi di modzon
K'ne rouvon pâ dè pouère.
Kan ly'an prou grantin rouvâ,
Lè kouârnè lou tsijon bâ.
10. (Var) Chon lè filyè dè Vuèdin,
K'fan lè dèvouthyâjè;
Kan i van fro, le matin,
Y pouârton lou-j-a-ôrè,
Ma n'è pâ po lè-j-ourâ,
N'è rintyè po lè mothrâ.
11. A Voru, tyè l'i a the?
Pâ vouéro dè tsoujè.
Choche vo-j-èthenè the,
Avui lou grantè bochè?
Tonon Tourèn' l'i è rêchtâ,
Lè-j-a jou achtou rinâ.
12. Châlè, Ruère, Romanin,
Paï di fanfioulè,
L'i chon fèrmo dèvouthyâ.
Krèion totè lè vioulè.
Kapuchin è inkourâ,
Lou-j-in foton pè le nâ.
13. A Chinthâlè, bi dzovin
Pèrmi lè fèmalè.
Che ne bèvan pâ dè vin,
Ch'ran dè grô plye balè,
Ma, le bévon tsô chethè;
Ch'ran por agotâ Vevè.^{*)}
14. On yâdzo pachi pè Rya,
L'èthi on dechando.
Ly'intindi myounâ lè tsa,
Dè fathon èthrandza.
Pouârton dou buro ou martchi,
Ke ly'è to-t-inpèlutchi.
15. (Var) Vè la fretyère dè Rya,
Ly'è jou bala pouère.
Ly'è intindu myounâ on tsa
Din na bouratyère.
Falyi l'intindre myounâ
Pèrmi to chti bouratâ!
16. Intrè Tsèrlin è Machin,
Ly'è yô k'fan lè fâchè.
I ly'an grelyi le pantè
A la chervinta ou fâvre.
Lou-j-a falyu plyedèi
Por on pantè frekachi.
17. A Vuèpin tyè l'i a the?
Ly'a achebin ôtyè.
Ly'an bourlâ on vilyo tsavô,
Ou bin na kavala.
Portyè ly'an the chin bourlâ?
Po fèr dou taba a nihlyâ.
18. Ly'è lè filyè dè Chorin,
K'chon kemin lè kâlyè.
Pâ pethou fro dè lou bri,
I van davron la palye.
Lou fô travalyi to l'an
Por avi on bokon dè pan.

¹⁾ Si, à l'époque où cette chanson a été composée, la tempérance laissait à désirer à Cerniat, il n'en est plus de même aujourd'hui. Le couplet 8 ne saurait donc avoir d'intérêt que comme document.

^{*)} Même réserve que pour le couplet 8.